

Safonau ar gyfer Cofrestrau Achrededig

Cyflwyniad

Mae'r Awdurdod Safonau Proffesiynol yn achredu cofrestrau pobl sy'n gweithio mewn rolau iechyd a gofal cymdeithasol nad ydynt wedi eu rheoleiddio gan reoleiddiwr statudol. Mae hyn yn golygu fod pobl yn dewis ymuno â'r cofrestrau hyn, does dim rhaid iddynt wneud yn ôl y gyfraith. Mae'r ddogfen hon yn sefydlu'r safonau y mae'n rhaid i gofrestru eu bodloni i'w hachredu.

Ein rôl hollgwmpasog o ran arfer ein swyddogaeth fel y sefydlir yn Neddf Diwygio'r Gwasanaeth Iechyd Gwladol a'r Act a Phroffesiynau Gofal Iechyd 2002¹ yw diogelu'r cyhoedd. Fe sefydlir ein swyddogaethau parthed achrediad yn Adran 25(2) o'r Ddeddf:

- (a) i hyrwyddo buddiannau defnyddwyr gofal iechyd, defnyddwyr gofal cymdeithasol yn Lloegr, defnyddwyr gwasanaethau gwaith cymdeithasol yn Lloegr ac aelodau o'r cyhoedd mewn perthynas â pherfformiad swyddogaethau cofrestru gwirfoddol,
- (b) i hyrwyddo arfer gorau o ran perfformiad swyddogaethau cofrestru gwirfoddol, ac
- (c) i ffurfio egwyddorion llywodraethu da ym mherfformiad swyddogaethau cofrestru gwirfoddol ac i annof personau sy'n cynnal neu weithredu cofrestrau gwirfoddol achrededig i gydymffurfio â'r egwyddorion hynny.

Mae'r Ddeddf yn ein galluogi i sefydlu meini prawf achredu. Mae'r ddogfen hon yn sefydlu'r meini prawf hyn, a elwir yn *Safonau ar gyfer Cofrestrau Achrededig* ('y Safonau'). Fyddwn ni ddim ond yn achredu cofrestr pan fydd yn bodloni ein Safonau.

Sut y defnyddir y Safonau

Byddwn yn penderfynu os yw sefydliad yn bodloni ein meini prawf ar gyfer achrediad, trwy asesiad yn erbyn ein Safonau. Fydd achrediad ddim ond yn cael ei ganiatáu os yw'n gydnaws ag ein hamcanion:

- Diogelu'r cyhoedd rhag niwed
- Cynnal hyder yn y proffesiynau
- Datgan a chynnal safonau proffesiynol.

¹ <https://www.legislation.gov.uk/ukpga/2002/17/contents>

Bydd angen i gofrestro fodloni'r holl Safonau i'n sicrhau y gall ddiogelu'r cyhoedd. Bydd angen i bob sefydliad, wedi eu hachredu, arddangos y gall barhau i fodloni'r Safonau, trwy asesiad cyfnodol.

Yn ystod cais cychwynnol, rhaid bodloni Safon Un cyn y gellir cyflawni asesiad yn erbyn y Safonau sy'n weddill gan ei bod yn hanfodol i sicrhau y byddai achrediad er lles y cyhoedd. Rydym yn cynnig asesiad cychwynnol yn erbyn y Safon hon ar gyfer darpar gofrestrau - gweler ein [Canllaw Ategol ar gyfer Safon Un](#) am ragor o wybodaeth ar y broses a'n [Canllaw i Ffioedd Achredu](#) am ragor o wybodaeth ar y ffioedd.

Mae'r Safonau wedi eu hategu gan ein [Canllaw ar y Safonau ar gyfer Cofrestrau Achrededig](#) a'r [Fframwaith Tystiolaeth i Gofrestrau Achrededig ar gyfer y Safonau](#) sy'n disgrifio'r mathau o dystiolaeth fyddwn ni'n ystyried a'r gofynion sylfaenol ar gyfer pob Safon.

Y Safonau

<p>Safon Un: Cymhwyster a lles y cyhoedd</p>	<p>Mae'r sefydliad yn cadw cofrestr o bobl mewn rolau iechyd ac/neu ofal cymdeithasol nad ydynt yn amodol i reoleiddio statudol. Mae'r gweithgareddau a gyflawnir gan rai sydd wedi cofrestru yn debygol o fod yn fuddiol i iechyd ac/neu les y cyhoedd ac mae modd cyfiawnhau a lliniaru ar gyfer unrhyw niwed.</p> <p>1a) Cymhwyster y gofrestru dan ein deddfwriaeth</p> <p>1b) Ystyriaeth lles y cyhoedd</p>
<p>Safon Dau: Rheoli'r gofrestr</p>	<p>Mae'r sefydliad yn cynnal ac yn cyhoeddi cofrestr gywir o'r rhai sy'n bodloni ei ofynion yn cynnwys unrhyw gyfyngiadau ar eu hymarfer.</p> <p>2a) Y broses gofrestru</p> <p>2b) Y gofrestr</p>
<p>Safon Tri: Safonau ar gyfer y rhai sydd wedi cofrestru</p>	<p>Mae'r sefydliad yn gosod safonau priodol ar gyfer cymhwyster, ymddygiad proffesiynol a moesegol, ac ymarfer busnes.</p> <p>3a) Cymhwyster</p> <p>3b) Ymddygiad proffesiynol</p> <p>3c) Arfer busnes</p>

<p>Safon Pedwar: Addysg a hyfforddiant</p>	<p>Mae'r sefydliad yn sefydlu safonau addysg priodol ar gyfer y rôl (neu rolau) a gofrestrir ac yn sicrhau y gall rhai sydd wedi cofrestru nodi pan all fod angen cyfeirio at weithiwr iechyd neu ofal cymdeithasol arall.</p> <p>4a) Mae'r rheoleiddiwr yn cynnal safonau addysg a hyfforddiant cyfredol a gedwir dan adolygiad ac yn blaenoriaethu gofal a diogelwch ble mae'r claf a'r defnyddiwr gwasanaeth yn ganolog.</p> <p>4b) Mae gan y gofrestr fecanwaith cymesur a thryloyw ar gyfer sicrhau ei hun bod y darparwyr a rhaglenni addysgol mae'n eu goruchwyllo neu dderbyn yn darparu myfyrwyr a hyfforddeion sy'n bodloni gofynion y gofrestr ar gyfer cofrestru, ac yn gweithredu ble mae ei weithgareddau sicrwydd yn nodi pryderon naill ai am hyfforddiant neu ddiogelwch cleifion ehangach.</p> <p>4c) Mae'r gofrestr yn gwneud ei safonau addysg a hyfforddiant yn glir ac yn hygyrch i'w cyhoedd i alluogi'r rhai hynny sy'n defnyddio'r gofrestr i wneud penderfyniadau gwybodus.</p>
<p>Safon Pump: Cwynion a phryderon am y rhai a gofrestrir</p>	<p>Mae gan y sefydliad brosesau cadarn ar waith ar gyfer sicrhau y delir yn amserol gyda phryderon ynghylch y rhai sydd wedi cofrestru mewn modd tryloyw, amserol a theg.</p> <p>5a) Delio â chwynion a phryderon</p> <p>5b) Tryloywder penderfyniadau a chanlyniadau</p>
<p>Safon Chwch: Llywodraethu</p>	<p>Mae trefn lywodraethu'r sefydliad yn cefnogi diogelu'r cyhoedd ac yn hyrwyddo tryloywder, cywirdeb ac atebolrwydd.</p> <p>6a) Rheolaeth ariannol a sefydliadol</p> <p>6b) Arweinyddiaeth strategol ac atebolrwydd</p>

<p>Safon Saith: Rheoli risgiau sy'n deillio o weithgareddau'r rhai a gofrestrir</p>	<p>Mae gan y sefydliad ddealltwriaeth drylwyr o'r risgiau i ddefnyddwyr gwasanaeth a'r cyhoedd a gyflwynir gan y gweithgareddau a gyflawnir gan y rhai sydd wedi cofrestru ac mae'n cymryd camau i'w lliniaru.</p>
<p>Safon Wyth: Cyfathrebu ac ymgysylltu</p>	<p>Mae'r sefydliad yn darparu gwybodaeth glir a hygyrch i'r cyhoedd, ei unigolion cofrestredig a rhanddeiliaid eraill amdani ei hun, y rôl (neu rolau) mae'n eu cofrestru, ac ynghylch y rhaglen Cofrestrau Achrededig. Mae'n defnyddio ymgysylltu gyda rhanddeiliaid perthnasol i hysbysu a hybu diogelu'r cyhoedd.</p>
<p>Safon Naw: Cydraddoldeb, Amrywiaeth a Chynhwysiant</p>	<p>Mae'r sefydliad yn dangos ei ymrwymiad i gydraddoldeb, amrywiaeth a chynhwysiant ac yn sicrhau bod ei brosesau'n deg ac yn rhydd rhag gwahaniaethu annheg.</p> <ul style="list-style-type: none"> a) Ategir swyddogaethau rheoleiddio'r gofrestr gan degwch a chydraddoldeb mynediad i unigolion cofrestredig a defnyddwyr gwasanaeth. b) Mae'r gofrestr yn deall amrywiaeth ei unigolion cofrestredig, defnyddwyr gwasanaeth ac achwynwyr ac mae'n ymwybodol o faterion a allai effeithio ar y rhai â nodweddion gwarchoddedig fel y'i diffinnir gan Ddeddf Cydraddoldeb 2010². c) Mae'r gofrestr yn gweithio i hyrwyddo a gwella EDI trwy geisio deall a gweithredu ar faterion sy'n effeithio ar y rolau cofrestredig a defnyddwyr gwasanaeth.

² Neu grwpiau a restrir o dan Adran 75 o Ddeddf Gogledd Iwerddon.

Rheolaeth Dogfen

Rheolaeth Fersiwn

Nid yw dogfennau a argraffwyd wedi eu rheoli. Mae'r ddogfen hon yn ddilys ar y diwrnod y'i hargraffwyd yn unig.

Fersiwn	Statws	Disgrifiad o'r Fersiwn	Dyddiad Cwblhau
3.0	Cytunwyd	Ychwanegu Safon Naw	31 Mai 2023